



*Agency for Development of Higher Education and Quality Assurance*

Na temelju člana 49. Okvirnog zakona o visokom obrazovanju u Bosni i Hercegovini ("Službeni glasnik Bosne i Hercegovine", broj 59/07 i broj 59/09), člana 7. Statuta Agencije za razvoj visokog obrazovanja i osiguranje kvaliteta Bosne i Hercegovine („Službeni glasnik Bosne i Hercegovine“ broj: 86/09) i člana 7. Odluke o kriterijima za izbor domaćih i međunarodnih stručnjaka koji daju ocjenu i obavljaju pregled kvaliteta i daju preporuke o akreditaciji visokoškolskih ustanova i studijskih programa („Službeni glasnik Bosne i Hercegovine“ broj: 88/09), te članom 2. Odluke o izmjenama i dopunama Odluke za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa („Službeni glasnik Bosne i Hercegovine“ broj: 3/13), Agencija za razvoj visokog obrazovanja i osiguranje kvaliteta, **raspisuje**

### **JAVNI KONKURS**

#### **za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa**

1. Stručnjaci - predstavnici akademske zajednice u BiH;
2. Stručnjaci - predstavnici privrede i prakse;
3. Studenti;
4. Međunarodni stručnjaci.

#### **Opšti kriteriji za odabir stručnjaka svih kategorija:**

- Dobro poznavanje pisanog i govornog engleskog ili drugog svjetskog jezika;
- Dobre sposobnosti usmene i pismene komunikacije i izrade izvještaja;
- Sposobnost rada na elektronskim ili internetskim komunikacijskim sistemima;
- Sposobnost djelotvornog rada u timu;
- Sposobnost poštivanja dogovorenih protokola, procedura i rokova.

#### **Posebni kriteriji:**

##### **1. Za kategoriju stručnjaci - predstavnici akademske zajednice u BiH**

- Izbor u naučno-nastavno zvanje, odnosno nastavno-umjetničko zvanje nastavnika u relevantnoj naučnoj oblasti (prirodne nauke, tehničke nauke, biomedicina i zdravstvo, biotehničke nauke, društvene nauke i humanističke nauke);
- Iskustvo u rukovođenju visokoškolskom ustanovom, ili iskustvo na rukovodećim mjestima na nivou visokoškolske ustanove, ili iskustvo u naučnonastavnom i naučnoistraživačkom radu na visokoškolskoj ustanovi i

- osiguranju akademskih standarda i kvaliteta u pružanju obrazovnih usluga;
- Iskustvo u nastavi i/ili nadzoru istraživačkog studentskog rada;
- Iskustvo u ocjenjivanju uspjeha studenata na visokoškolskim ustanovama ili istraživačkim programima na svojoj ili nekoj drugoj visokoškolskoj ustanovi.

## **2. Za kategoriju stručnjaci - predstavnici privrede i prakse**

- Minimalno VSS;
- Minimalno deset godina iskustva u relevantnoj oblasti;
- Rukovodno iskustvo ili dokazano iskustvo u svojoj oblasti.

## **3. Za kategoriju studenti**

- Minimalni prosjek u dosadašnjem studiju 8 ili 3,5;
- Kontinuitet redovitog studija;
- Iskustvo u reformama visokog obrazovanja.

## **5. Za kategoriju međunarodni stručnjaci**

- Naučni stepen doktor nauka iz relevantne oblasti;
- Iskustvo u rukovođenju visokoškolskom ustanovom ili na rukovodećim mjestima na nivou visokoškolske ustanove ili nastavnog osoblja na visokoškolskoj ustanovi i osiguranju akademskih standarda i kvaliteta u pružanju obrazovnih usluga;
- Iskustvo u nastavi i/ili nadzoru istraživačkog studentskog rada;
- Iskustvo u ocjenjivanju uspjeha studenata na visokoškolskim ustanovama ili istraživačkim programima na svojoj ili nekoj drugoj visokoškolskoj ustanovi;
- Iskustvo u vršenju pregleda kvaliteta svoje ili druge visokoškolske ustanove.

### ***Način prijavljivanja i potrebni dokumenti:***

Prijava kandidata na javni konkurs vrši se popunjavanjem obrasca koji je dostupan na web-stranici Agencije [www.hea.gov.ba](http://www.hea.gov.ba)

Uz prijavu u kojoj je sadržana i biografija, kandidati prilažu sljedeće dokaze:

- Stručnjaci predstavnici akademske zajednice u BiH, dokaz od visokoškolske ustanove o izboru u naučnonastavno zvanje,
- Stručnjaci predstavnici privrede i prakse, dokaz o iskustvu u relevantnoj oblasti,
- Studenti, dokaz o kontinuitetu redovnog studija i prosjeku u dosadašnjem studiju,
- Međunarodni stručnjaci, dokaz od visokoškolske ustanove o iskustvu u vršenju pregleda kvaliteta svoje ili neke druge visokoškolske ustanove.

Kandidati koji prijavu podnose putem e-mail adrese, tražene dokaze mogu dostaviti skenirane.

### ***Rok za podnošenje prijave:***

[www.hea.gov.ba](http://www.hea.gov.ba), e-mail: [info@hea.gov.ba](mailto:info@hea.gov.ba)

---

BA – 78000 Banja Luka, Stepe Stepanovića 11, Tel.: +387 51 430 510, Fax: +387 51 462 302

Rok za podnošenje prijava na javni konkurs je 30 dana od dana objavljivanja javnog konkursa u dnevnim novinama.

Obrazac za prijavu nalazi se na web stranici Agencije.

***Adresa za dostavljanje prijava i dokumenata :***

Agencija za razvoj visokog obrazovanja i osiguranje kvaliteta  
„ Javni konkurs za izbor domaćih i međunarodnih stručnjaka koji daju ocjenu i obavljaju pregled kvaliteta i daju preporuke o akreditaciji visokoškolskih ustanova i studijskih programa“

Bulevar vojvode Stepe Stepanovića 11.

BA – 78 000 Banja Luka

ili na e-mail [info@hea.gov.ba](mailto:info@hea.gov.ba)

Nepotpune i neblagovremeno dostavljene prijave neće biti predmet razmatranja.

***Napomena za sve kandidate***

Nakon provedene procedure konkursa , na osnovu člana 49. alineja 2. Okvirnog zakona o visokom obrazovanju u Bosni i Hercegovini, Komisija za utvrđivanje liste stručnjaka će utvrditi listu stručnjaka koju Agencija dostavlja svim ministarstvima obrazovanja u Bosni i Hercegovini i nadležnom odjelu Brčko Distrikta na usvajanje. Sa usvojene liste stručnjaka, na osnovu prijedloga nadležnih ministarstava obrazovanja, Agencija će imenovati konkretne komisije.

***Napomena za stručnjake sa postojeće Liste stručnjaka***

Stručnjaci sa postojeće Liste stručnjaka koji su se izjasnili da su saglasni da i dalje zadrže status stručnjaka, na osnovu člana 2. tačke 7. Odluke o izmjenama i dopunama Odluke za izbor domaćih i međunarodnih stručnjaka koji daju ocjenu i obavljaju pregled kvaliteta i daju preporuke o akreditaciji visokoškolskih ustanova i studijskih programa („Službeni glasnik Bosne i Hercegovine“ broj: 3/13), zadržavaju taj status i nisu obvezni da učestvuju na javnom konkursu. Ova napomena se odnosi i na studente koji nisu promijenili ciklus studija, a do zatvaranja konkursa dostave dokaz o kontinuitetu redovnog studija.

Dodatne informacije, mogu se dobiti na tel: + 387 51 430 510.

**DIREKTOR**

dr.sc.Husein Nanić